

**SAMOA**

## Faatulagaina o Aiaiga

## Igoa

- |    |                                |    |  |
|----|--------------------------------|----|--|
| 1. | Igoa puupuu ma le amataga      | 5. | Matafaioi ma Pule a le Komiti<br>Faufautua |
| 2. | Faamatalaga o Sui ua Tofia     | 6. | Fonotaga a le Komiti Faufautua             |
| 3. | Sui Auai o le Komiti Faufautua | 7. | Mea ua soloia mulimuli mai ai              |
| 4. | Tofia o le Komiti Faufautua    |    |  |
- 

1998, Nu. 3

**O SE TULAFONO e teuteu ai le Tulafono Matagaluega o  
Mataupu Tau Tina ma Tamaitai 1990. (19 Iuni 1998)**

**UA FAIA** e le Fono Aoao Faitulafono o Samoa i totonu o le Palemene ua potopoto e faapea:-

**1. Igoa puupuu ma le amataga-**(1) E mafai ona taua lenei Tulafono o le Tulafono o Teuteuga o le Tulafono Matagaluega o Mataupu tau Tina ma Tamaitai 1998 ma e tatau ona faitauina faatasi ma avea ai o se vaega o le Tulafono o Mataupu tau Tina ma Tamaitai 1990 (e pei ona faasinomia mulimuli ane iinei o le Tulafono autu).

(2) O lenei Tulafono o le a amata faamamaluina i le aso o le a tuuina i ai le maliega a le Ao o le Malo.

**2. Faamatalaga o Sui ua Tofia-(1)** Fuaiupu 2 o le Tulafono autu ua teuteuina nei i le soloia o le faamatalaga "Sui Filifilia" ma suia e faapea:

"Sui ua Tofia" o lona uiga o se sui o le Komiti Faufautua ua tofia e tusa ai ma aiaiga o fuaiupu 12 ma le 13 o lenei Tulafono."

(2) O faasinomaga taitasi i totonu o le Tulafono i se "sui filifilia" o le a teuteuina i "sui ua tofia".

**3. Sui auai o le Komiti Faufautua** - Fuaiupu 12 o le Tulafono autu ua teuteuina nei i le soloia ma suia e faapea:

**"12. Sui o le Komiti Faufautua"** - O sui o le Komiti Faufautua o le a aofia ai -

- (a) Le Minisita, o ia lea o le a avea ma Taitaifono;
- (b) Le Failautusi; ma
- (c) Sefulu ma le lima ni tamaitai mai Upolu, Manono ma Apolima e tofia i lalo o le fuaiupu 13 o lenei Tulafono; ma
- (d) Sefulu ma le lima ni tamaitai mai Savaii e tofia i lalo o le fuaiupu 13 o lenei Tulafono."

**4. Tofia o le Komiti Faufautua-(1)** Fuaiupu 13 o le Tulafono autu ua soloia nei ma ua suia e faapea:

**"13. Tofia o sui e tolusefulu o le Komiti Faufautua-** (1) O sui ua tofia o le Komiti Faufautua o le a tofia e le Kapeneta, i le faia i luga o le fautuaga a le Minisita.

(2) O sui ua tofia o le a umia tofi mo le lua tausaga, ma e tataui ona agavaa mo le toe tofia."

**5. Matafaioi ma Pule a le Komiti Faufautua** - Fuaiupu 14 o le Tulafono autu ua teuteuina nei i le suia o le igoa o le ulutala e faapea "Matafaioi ma Pule o le Komiti Faufautua" ma faaopoopoina i ai faafuiau e faapea:

"(2) E mafai e le Komiti Faufautua ona tofia ni komiti laiti ma tuuina atu ia i latou ni tiute e gafa ma i latou e pei ona o le a fuafuaina e le Komiti Faufautua.

(3) O sui ua tofia o le a aofia ai ni komiti laiti e avea ma sui o o latou nofoaga taitasi ma e mafai ona tuuina atu i ai so o se tiute faapitoa e gafa ma i latou e le Komiti Faufautua.

(4) O le Taitaifono mo komiti laiti taitasi e pei ona faasinomia i ai le faafuaiupu (3) o le a tofia e le Minisita."

**6. Fonotaga a le Komiti Faufautua** - Fuaiupu 15 o le Tulafono autu ua soloia ma ua suia e faapea:

**"15. Fonotaga a le Komiti Faufautua-**(1) O le Komiti Faufautua e tatau ona fono e le itiiti ifo na i lo le faatolu i tausaga taitasi ma i ni taimi ma ni nofoaga ua fuafuaina e le Minisita.

(2) O le Minisita o le a nofoia le Nofoa e avea ai ma Taitaifono i fonotaga uma a le Komiti Faufautua, ma i le toesea o le Minisita o le a taitaia le fonotaga e se sui o le a tofia e le Minisita.

(3) E luasefulu (20) ni sui e auai ai i se fonotaga ona faatoa mafai lea ona usuia se fonotaga a le Komiti Faufautua.

(4) I fonotaga taitasi a le Komiti Faufautua o le Taitaifono o le a taitaia o le a agavaa i se palota e faia ai se filifiliga faapea foi ma se palota e faia ai se faaiuga.

(5) O fesili uma e tuuina atu i luma o so o se fonotaga a le Komiti Faufautua o le a fuafuaina i se aofaiga e mafuli i ai le tele o palota a sui o lo o auai ma palota i sea fonotaga.

(6) Ae vagana ai e ese se isi tulaga ua aiaia i totonu o lenei Tulafono, o le Komiti Faufautua o le a fuafuaina ana lava taualumaga."

**7. Mea e soloia mulimuli mai ai** - O le Faamatalaga i le Tulafono autu ua soloia nei.